

# NCD volibol Asosiesen bai surukim prisisen pilai

## volibol

NESENEL Kapitol Distrik Volibol Asosiesen bai surukim ol prisisen pilai bilong ol i long narapela wiken gen.

Kodineta bilong ol pilai Michael Unatah i tok asosiesen eksekutiv i mekim olsem bilong helpim ol long luksave gut long strong bilong ol klab bipo long ol i go het long sisen propa.

Sisen propa bai stat long Mas 19, 2006.

Long las wiken pilai Marawaone bihain long ol opim ai bilong ol manmeri long winim Ulamagi i redi long kamapim narapela strongpela pilai egensim Blacks long dispela wiken long pilai bilong ol long Taurama Lesa Senta.

U-Mi Yet bai traिम wining ran bilong Lavender. Na dispela tru tru bai wanpela strongpela pilai.

Ol manki Gerehu i kam gut na ol manmeri bai amamas long lukim wanem samting ol bai mekim egensim ol fainolis bilong 2005 sisen long pilai bilong Sarere.

Ol Crusaders i no bin mekim gut long las tupela wiken na olsem ol i mas kisim olgeta strong na yusim olgeta save long blok wantaim Indies Magpies.

Ulamagi long narapela sait i redi long kam bek gut bihain long ol i kisim gutpela skul long han bilong ol Marawaone taim ol i kukim nus wantaim Kijo long narapela strongpela pilai long divison bilong man.

Scorpions bai mas kisim bek na soim gen strong bilong ol bihain long ol i hait

long las tupela wiken taim ol i lokim kom wantaim birua tim bilong ol Hoppers.

Dispela em i narapela gutpela pilai long lukim.

Na Pole i mas noken painim hat long pinisim win bilong Heturanamo long narapela pilai.

Dogura bai traिम namba wan swit bilong NCDVA pilai long sisen taim ol i nek wantaim NFA Dolphins.

Em bai wanpela gutpela bung taim Magpies i brukim han wantaim Scorpions long divison bilong ol meri.

Long dispela pilai ol Scorpions bai mekim olgeta samting long kisim bek dispela poisin bilong ol long yusim egensim ol Magpies.

Em i hevi bilong ol Kanudi long painim wei long ronawe long ol.

Na nupela lukluk bilong ol Crusaders long wilwilim ol Ulamagi long las wik i mas givim sampela tok lukaut U-Mi Yet taim tupela i bung long Sarere.

Na Marawone i pas traिम olgeta strong long kalapim Pole.

Long narapela pilai bilong ol meri ol Hoppers i no ken gat hevi long palai go antap long Kijo na Lavenda, wankain long ol gutpela pilai bilong ol i mas redi long skulim Peteru na Black bai givim tudak long Heturanamo taim ol i brukim bung long dispela wike.

I nogat wanpela pilai bai isi.

Olgeta tim bai no laik long lus na olsem olgeta bai pilai strong long kamapim ol win.